

盛明雜劇

三集

叁

破

新

答

醉新豐

孝若茅僧曇著

葡萄酒濯足曲江頭

破青衫罵倒鷄鵲縣

正目

華山仙召問素靈宮

醉學士親巡光祿塞

楔子

老旦扮龍母侍從上只俺身是驪山龍母的便是
所管千里內山川水旱夜來奉到天符又該小龍

行雨雨止一尺止取霑浹不許過多無奈孩兒們
先赴王屋山聽桐栢真人講黃庭內景經至今未
回只老身在此看守恰聞典客報道有兩秀士來
廟廡投宿問知是李藥師馬賓王二位他本唐朝
佐命將相又原是紫府仙官暫爾降凡度世不免
央他代行這雨不致違悞天曹今時候到了承行
的快導引這二位仙官上殿相見者末扮李靖生
扮馬周仝儒服上相揖介末只俺隴西李靖是也
這兄弟清河馬周是也我兩人生皆不辰漸逢亂

世開皇大業之際、非我等乘時利見之秋、今聞真人已出太原、因思上京進取、經過這驪山古廟、天色已暮、暫爾投宿、忽聞多人傳呼道、甚麼娘娘請咱們上殿相見、兄弟呵、未判吉凶、且試走一遭者、

生拱手哥哥先請、報進老旦降迎、交揖介、末生兩生李靖馬周的便是、偶經潭府、輒蒙宣召、幸恕愚儒鹵莽之罪、老旦謝介、妾身乃驪山龍母是也、適奉上界天符、輪該小龍行雨、周遍百里之內、霑浹止須盈尺、不意小兒偶出未回、意欲暫屈二賢、代

行此雨、不致以羈遲受罰天曹、二位尊意許否、末
這旱苗望雨、第一快事、安敢不効驅馳、只恐小生
們光軀肉眼、不辨你天龍行事、有誤重委、老旦先
生言重、俺這龍府行雨、自有茅龍穩跨、瞬息千里、
如履平地、又有御賜金瓶、只須手執楊枝、經過之
處、均勻畧灑幾滴、切勿過多、致傷禾稼、恁二公原
非五濁凡人、奉勞之後、自有微報、切勿過有謙讓、
著承應的、在後苑牽出慣行乘跨的茅龍二頭、伏
侍二位仙官騎上、各捧金瓶一枚、東西分行一方、

分付雷公電母等。各各準備祇候者。衆應介。得令。
隨多人旛幢推雷車閃電同末生東西分行介。

端正好

老旦

捧天符興雲候。端只在居蜃府坐鎮。

龍樓追風驃。趕不上茅龍吼。豐隆旗霎時擺。兩油
油早分破帝王憂。須央投宿的二賢人來出手。

賞花時

你一個七曜盤胸把文庫搜。你一個六甲

珠鈴武畧優。勲業畧相酬。得時馳驟並坦道上駕
驍驍。

么紫府真人下界游。少不得武曲文昌住兩頭。王

氣正西流。兄先弟後。佐英王。奠金甌。末生分東西。
騎龍行雨。回從人慌。上報介啟。上娘娘。二位仙官。
畢事。馬頭已回。只李仙官騎上。了一頭毒龍。其行。
如飛。經過介休地方。龍背上望近他家鄉。連灑了。
二十餘滴。俺們望下。平地一霎時。茫茫如海。馬仙。
官又騎上一頭懶龍。鞭打不動。只畧灑得幾點。
覺意倦而回哩。老旦歎介這等怎好。是二位先生。
誤了咱事也。

八聲甘州。同雲暮黯。搖鞭處。神州九點煙浮。雷車。

洗洗玉女笑電難收。却原來一個騎毒龍金瓶瀉
倒一個騎懶龍幾點浮漚。那裏是旱苗甘雨救暢
好田疇。二公所行兩處一少一多。天曹必然降罰
老身了。雖然二位既下顧一番。安敢不以微物相
贈承應的。快去庫內捧出金甲威神玉堂仙吏二
座來。呈上二位仙官。隨便揀取一座者。末白。小生
且取了金甲威神一座。俺兄弟且取了玉堂仙吏
一座。稟復龍母。俺們久後如何用著他哩。老旦二
位各有所取。這也前定有數。自此文武分途各去。

輔佐天朝、出將入相、兄先弟後、莫得懈怠、只老身
這番幸遇二賢、也當得塵埃中物色了、我只道你
們酸丁御溜、罰著俺神仙府有好客、不中留、不讓
的識王孫、淮陰漂母、魏廟貌、享千秋、指末介從今
去呵、恁判著英雄碁一局、指生介恁只傲著雲溪
號醉侯、你休賺了葛陂杖在手、便撇下玉玦吳鉤。
天色將曉、幽明分途、著承應的、分送二位仙官、出
境趨路、小心在意者、眾應介得令、俱下

第一齣仙呂調

旦貼扮二妓上。只俺是西京教坊司角妓們便是。
今日三月三，是上巳佳節，傾城士女，皆出曲江祓
禊，雜劇彈吹，都會旗亭，少甚麼公侯駙馬，王孫帝
子，不去嬉耍，俺們只得各抱樂器，前去祇應者。雜
分扮王孫公子，公侯們侍從上。生扮馬周便服上。
只俺清河馬周的便是，因俺意氣豪邁，不合時宜，
今聞上巳曲江祓禊甚盛，且隨眾耍一遭來。

點絳脣 初客京華。有美沽諸，還待價。風日清佳。謾
謾旗亭下。雜扮舞鮑老跳獼猴二隊上。

混江龍生那邊嘈雜。多是些碧油幢。紅叱撥。擁著

個七香車。誰說道。賜皇餉。開御仗。大古裏許放假。

不排衙。早來到曲江頭。可都是金溝十二街。簇擁

著綺羅筵。無過些戚畹五侯家。那一廂舞鮑老。響

盤鈴。朱衣象簡正誼譁。那一廂跳獼猴。上天梯。金

童玉女還嬌姹。可招聚的人山人海。大會無遮。

油葫蘆翠擁紅遮。無縫罅。酸醜們忙奔煞。你道是

太平時候。鬪奢華。桃花水初漲了。秦川灞錦纏頭。

各占了紅亭榭。那些個面曲水。好張筵。傍高樓。堪

擊馬看雙鬟粉褪。胭脂頰。顰半臂。撚琵琶。生作入
隊各從喝迴避。叫拿閒人介。

天下樂 生 寵柳嬌花。在那些。是誰家社鼓。喳。煞風
景大纛擁高牙。人叢裏。偏喝道。僣從每。叫聲拏。這
一班沐猴冠也來耍耍。

那叱令 休道天街上。該你行頭踏。冲節的。喫金瓜。
慣穿些好衣裳。傀儡分明是沒眼目蝦蟆。那乞瓶
頭弄蛇。你跳井底鳴蛙。較伎倆。不爭差。得顏色。便
撐間架。我只當海量沙。九牛豪末。

鵲踏枝

只待脫羊裘上鹿車。詩酒風流。小子當家。

比如你一般眉目無真假。鵲突了彩鳳烏鴉。眾那

裏這個狂生。縱酒胡談。殊敗人意。又眾勸今日普

天同樂。也不必計較他。俺們只索移尊徙席。別選

幽勝池亭賞翫者。眾先下生帶酒纏住二旦旗亭

上介

寄生草

論聲價。消不起恁才華。二旦相公。你想好

才華。好聲價。通不覷的這一班王孫公子。在眼裏

哩。生不聞得馬相如犢鼻褌。高揭在臨邛舍。李僕

射載紅妝。彈箏在轅門下。阮宣子引車騶對飲把
老兵來罵。**二旦**俺們各有雪白綾帕在袖中敢乞
相公倚醉揮灑幾筆當得俺們錦纏頭永爲珍寶
者**生**不能設爲陽昌取酒典却鸛鷀裘倒也會向
女郎們揮毫亂灑這鮫綃帕。**二旦**快拏酒來俺們
輪班把盞與相公澆手者。

么生那裏是醉劉伶便荷缶。只我這渴酒龍權當
茶。**二旦**相公寫得好筆筆是龍蛇活動哩。**生**活龍
蛇且把烏絲寫。**二旦**再取酒來酒葫蘆休把游絲

惹。只你錦纏頭。休殢著紅裙耍。二旦相公。俺們與
你帽簷上簷上這花。好不風光也。賽得瓊林宴上
飲御酒。插宮花哩。生笑介。你道俺賽他御酒插宮
花。俺只當得鬧元宵。篤速在鰲山架。

醉扶歸

公卿每親捧出鳳閣鸞臺赦。唐天子現駕

著蒼龍白虎車。不是俺百篇斗酒自強誇。那溺儒
冠的偏撒洗。那登將壇的曾鑽袴。說那裏管夷吾
扶立著齊桓霸。

憶王孫

非比得瑤池宴上泛流霞。不過是新豐市